

## basic education

Department:
Basic Education
REPUBLIC OF SOUTH AFRICA

### NATIONAL SENIOR CERTIFICATE

GIREIDI 12

TSHIVENDA LUAMBO LWA HAYANI (HL)

BAMMBIRI LA U THOMA (P1)

LUHUHI/THAFAMUHWE 2012

MARAGA: 70

TSHIFHINGA: awara 2

Bammbiri ili li na masiațari a 12.

#### **PFESESANI**

1. Bammbiri iļi ļi na KHETHEKANYO THARU:

| KHETHEKANYO YA A: Tholokanyondivho                  | (30) |
|---|------|
| KHETHEKANYO YA B: Manweledzo/Samari                 | (10) |
| KHETHEKANYO YA C: Phenda na kushumiselwe kwa luambo | (30) |

- 2. Vhalani ndaela DZOŢHE nga vhuronwane.
- 3. Fhindulani mbudziso DZOTHE kha hedzi khethekanyo.
- 4. Thomani khethekanyo INWE na INWE kha siatari LISWA.
- 5. Hune khethekanyo inwe na inwe ya fhelela hone ni talele.
- 6. Nomborani phindulo dzanu sa zwe thoho dza nomboriswa zwone kha bammbiri la mbudziso.
- 7. Ni tshi fhedza u fhindula mbudziso, ni pfuke mutala ni kone u ya kha i tevhelaho.
- 8. Nwalani nga vhudele nahone zwi no vhalea.
- 9. Ni dzhiele nzhele mupeleto, tswayo na nzudzanyo ya mafhungo.

#### KHETHEKANYO YA A: THOLOKANYONDIVHO

#### MBUDZISO 1

Vhalani mafhungo a tevhelaho uri ni do kona u fhindula mbudziso dzi a tevhelaho.

#### TSHIBVELEDZWA TSHA 1: PHUROSA

'Ndo neta nga u tundela madana anu. Ndi nga si zwi kone zwa u tundela vhanna na vhafumakadzi vha dzindenwa. Zwi divheni uri u bva namusi donngi yo panulula.' Vho-Mununzwu vho amba maipfi aya mbilu i mutanani. Vho-Shashe vho wana vho dzielwa, phindulo i tshi ri ndi bva vhubvo. Vho vha vha tshi nga ri mini muthu wa khuvhe?

Muṭa hoyu ndi muhulwane. Wo fhaṭutshedzwa nga vhatuka vhaṭanu na vhasidzana vha rathi. Vhana avha vhoṭhe, nga nnḍa ha kutukana kwa lupedzi ku re thekhenikhoni, a vha tsha ya tshikoloni. Ri tshi khou amba zwino ndi miṅwaha mivhili e ngeo. Hu ḍi tou vha uri zwa pfunzo idzi dza nṭha a zwi vhalwi nga miṅwaha, ro vha ri tshi do ḍi ri u kha ṅwaha wawe wa vhuvhili.

Avha vhanwe vhathannga vha twa vha tshi swenda masosani, hayani vha tou vhuyela u isa marambo manweni. Henengei masosani milandu ine vha ita a i fheli. Hangei nnda vha a levhela vhanwe, vha a pwasha midi ya vhathu, vha a khakhisa vhasadzi na vhananyana. Milandu yothe heyi i vhuya ntha ha thoho ya Vho-Mununzwu, vhunga zwi tshi divhea uri nwana a suka matope u sukela vhabebi vhawe. Vha kha di tou bva u lifha tshelede musanda nge tanzhe lavho Madzhoni la farekanya Maria na hu songo teaho vhukati ha tshitshavha vhe sosani la Vho-Mukhesi. Izwi zwo tou vha mafhungo a si na vhukono e a vhigwa musanda.

A zwi na hazwo, nga ngeno-vho vhasidzana vhothe vha khou kunzwisa kuthihi kana zwivhili. Mudini ho vilingana. Munukho u ngaho wa bungani u pfala na nga ngomu nduni. Vhokhotsiavhana khuvha ho tou hula lone dzina. Vha vhonala fhedzi nga duvha la mundende vha tshi toda u rengelwa fola na mahafhe nga vhommeavhana. Nzulele heyi Vho-Mununzwu i nga i sa vha tanganya thoho, henefha hune hu si vhe na musidzana na muthihi a re na vhuhadzi. Vha a mangala uri vhakwasha vhavho vha tou vha vhakwashade vha sa divhonadzi kha vhomakhulu.

Na ha vhondiadivha vha vhuya hone. Vho vha vhudza uri vhana vhavho vho tshivhiwa nga makhadzi wavho Vho-Nyagumbu nga u vhona vhone vhe muumba. Vha ri vhathannga avha vha shuma, vhasidzana vha malwa, Mununzwu ha nga monwi nga murahu. Vhanwe ndi vhe vha vha vhudza uri vhana vhavho vho tou lemala, a vho ngo loiwa nga muthu. Honevho zwi a di kanganyisa, hafhu avha Vho-Mununzwu vha si muthu wa u amba nga mulomo na kale. Mboma yo vha i tshi dzula i tshi lila kha vhana havha.

Musi vha tshi kaidza vhana vha tshi fulufhedzisa na u vha shakulisa, Vho-Shashe vha tou pfu sa goya. Vha ri vhana a vha shakuliswi mudini nga nwambo wa u sa shuma na u beba. Izwi a zwi mangadzi, kha mmemubebi nwana a tshi pfa vhutungu hu lila lila. Zwi dinaho ndi uri humbi ya mutape heyi a hu na hune ya vha fara hone tshanda. Hu malisoni, hu masimuni, zwothe zwi sokou fana. Mukalaha wa khuvhe u vuwa nga matsheloni ndi u diela kholomo thavhani ya Tshamutore, a vhuya a ya a didzingadza nga u tha mufuvha fhala suphamakete ya Vho-Nyalulu tsini na bada khulwane ya tshigontiri. Tsho limuwa u do wana mukalaha o hwala mufakwa ntha ha shada mapfuvhi a tshee o tswuka, o livha tshikovhani.

Vho-Mununzwu vha vho disola uri kani vho khakha nge vha mala Vho-Shashe? Kani vho khakha nge vha bebesa? Hu nzeo, hu mbebo, zwothe ndi phathutshedzo dzi bvaho ha Mudzimu. Zwo tea uri vhana vha pfe khotsi avho. Khotsi au ndi Mudzimu wau, vho ri vhudza nga u ralo vhalala vha tshi ri laya. A hu na u lenga kha u dikhwinisa na u dibveledza. Arali vhana havha vha shandukisa kutshilele vha nanga zwivhuya, Vho-Mununzwu vha do fa mbilu yavho yo rula. Hafhu vhana havha vha tea u zwi divha uri na vhone vho no vha vhaaluwa. Vha fanela u sedza kha u alusa vhana vhavho nga ndila ine vha sa do diwana vhe kha nyimele i fanaho na ya khotsi avho.

1.1 Ndi mini tshi itaho uri Vho-Mununzwu vha sa diphine mudini wavho? (1)1.2 Bulani milandu MIVHILI kha mafhungo e na vhala ine ya pfi yo vhilwa ntha ha thoho ya Vho-Mununzwu. (2) 1.3 Ndi zwifhio zwithu ZWIVHILI zwe mukalaha vha vha vha tshi ita nga murahu ha musi vho no khadela kholomo dzavho thavhani? (2) 1.4 Ndi mini tsho nanisaho uri vhana vha afha mudini vha shaye vhudifhinduleli? (2) 1.5 Neani muhumbulo muhulwane wo faredzwaho nga phara ya vhuna. (2)1.6 Ndivho ya munwali kha mafhungo aya ndi ifhio? (2)1.7 Lifurase lo talelwaho mafhungoni aya li tutuwedza hani kupfesesele kwa mafhungo e na vhala? (2) 1.8 Fhindulani nga *EE* kana *Hai*, ni dovhe ni tikedze phindulo yanu nga u tou dodombedza: (2)Vho-Mununzwu vha dihudza nga u vha havho na muta muhulu.

(2)


1.9 Nangani zwi re zwone kha mutevhe wo nekedzwaho:

Milandu ye vhathannga vha Vho-Mununzwu vha vha vha tshi i ita ndi:

- A Mivhili
- B Miraru
- C Minzhi
- D Mina (1)
- 1.10 Vhuimo ha munwali vhu a tendisea na, nga maanda no sedza ndila ye a vhina ngayo mafhungo awe?
- 1.11 Arali no vha ni Vho-Mununzwu no vha ni tshi nga langa muta wanu nga ndilade? (2)

#### TSHIBVELEDZWA TSHA 2: TSHIFANYISO

Talelani tshifanyiso tshi tevhelaho uri ni do kona u fhindula mbudziso dzo disendekaho khatsho.



|      | THANGANVELO VA KHETHEKANVO VA A  | 30  |
|------|--|-----|
| 1.17 | Ndi vhufhio vhushaka vhu re hone vhukati ha tshibveledzwa tsha 1 na tshibveledzwa tsha 2?                                      | (2) |
|      | D A na C   | (1) |
|      | C U nyala  |     |
|      | B U mangala  |     |
|      | A U tshuwa   |     |
| 1.16 | Zwifhatuwo zwa vhathu vha re kha khathuni zwi sumbedza:  |     |
| 1.15 | Ndi ifhio tshumelo ine arali yo iswa vhathuni vhutshilo ha mufumakadzi o<br>bebaho nwana ha vha hu tshi nga leludzea?          | (2) |
|      | nzulele ya vhathu avho?  | (1) |
| 1.14 | Mbonalo ya zwifhato zwi re afho i ni dzumbulululela mini zwi tshi elana na   |     |
| 1.13 | No lavhelesa tshifanyiso tshenetshi, ni vhona mini zwine zwa tana maitele a tshituhu?  | (2) |
| 1.12 | Goloi i re kha tshifanyiso i vhonala i tshi khou endedza vhathuḍe?<br>Tikedzani phindulo yaṇu no dzhiela nzhele nzulele yoṭhe. | (2) |
|      |  |     |

#### KHETHEKANYO YA B: MANWELEDZO/SAMARI

#### **MBUDZISO 2**

Vhalani mafhungo a tevhelaho ni kone u a nweledza nga mbuno dza SUMBE kana dzi kha phara nthihi, ni tshi sumbedza **kuvhalele kwonekwone kwu vhuedzaho**. Vhulapfu ha phara yanu vhu vhe maipfi a u bva kha 80 u ya kha 90. Ni sumbedze tshivhalo tsha maipfi zwitangini.

#### TSHIBVELEDZWA TSHA 3: PHUROSA

A hu na mugudi na muthihi a sa todi u phasa musi o nwala mulingo. Hu di tana na onoula we a vha a tshi khou ditambela, mvelelo dzi tshi bva u wana a tshi lavhelela zwivhuya.

Mugudi u fanela u dzudzanya tshifhinga tshawe tsha u vhala zwavhudi nga ndila ine a kona u kuvhatedza thero dzothe dzine a dzi ita. Hezwo ndi u itela uri muthu a sa vhalese thero ine a i funesa a hangwa dzila dzine a sa dzi takalele. Hafhu nga nnda ha u nyala thero vhanwe vha tou vha na dzine vha nyadza, u tou fana na Luambo lwa Hayani. Hezwi ndi musi muthu o hangwa uri wa kundelwa u phasa Tshivenda, ndi u mbwandamela ha tshikepe.

Uri ni vhale zwavhudi ni fanela u wana fhethu ho fhumulaho, hu re na mufhe wavhudi. Ni dzule kha tshidulo tsho teaho nahone ni tshi khou vhalela kha tafula. Ni do pfa uri bugu dzi dzhena hani.

Ndi zwavhudi uri munwe na munwe hafha hayani a pfesese uri inwi ni khou vhala nahone ni tea u wana thikhedzo yothe kha mushumo hoyu. Tshifhinga tshanu tsha u vhala tshi fanela u thonifhiwa.

Ilani zwiliwa zwo linganelaho, hu si u tou gadela lini. Zwiliwa zwenezwi hafhu zwi fanela u vha na ndinganyo, hu si u sokou kumbela zwiliwa zwa lushaka luthihi. A si zwavhudi u la zwiliwa zwi kungaho khofhe.

Muthu wa mitambo kana a itaho nyonyoloso a songo zwi litshedza nga mulandu wa mulingo, tenda fhedzi a sa zwi itele thungo. Ri amba u ita nga ndila ine muvhili wa do netesa kana zwa vho dzhia na tshifhinga tsha u vhala.

Muvhalivhali u fanela u dzudzanya notsi dzawe musi a tshi khou vhala u itela uri musi a tshi ita ndovhololo a sa tsha tou dovha u vhuelela kha bugu dze a vha a tshi khou dzi shumisa. Zwi vhulunga tshifhinga hezwi.

Arali hu na hune muthu a sa pfesese, kha kwame vhadededzi na vhanwe ngae vha zwi pfesesaho u mu fhira. A si zwavhudi u rwela ngomani hu si na u pfesesa.

Vhaqivhi vha amba uri muthu u tea u edela awara dza sumbe u ya kha dza malo. Hezwi ndi u itela uri maluvhi a netuluwe a dovhe a fare zwavhudi a songo neta.

Ndevhe ya tsini i a dipfela.


#### KHETHEKANYO YA C: PHENDA NA KUSHUMISELWE KWA LUAMBO

#### **MBUDZISO 3**

Ţalelani khungedzelo i tevhelaho uri ni do kona u fhindula mbudziso dzo disendekaho khayo.

TSHIBVELEDZWA TSHA 4: KHUNGEDZELO

# FHETHU HA NYONYOLOSO NDELE



Vha a toda u khwinisa mbonalo yavho? Kana vha tou toda u fhata muvhili wavho? Fhano NDELE ri nga vha nea zwothe, nahone ndi fhethu havho.

Kha mutengo a ri vha vhulahi na khathihi. Mbadelo dzi tea tshikwama tshavho, nahone uri vha badelisa hani ri pfa nga vhone. Tshumelo dzashu ro dzi vhona dzi tshi anwa mitshelo:

- Malwadze a mbilu na mutsiko wa malofha na zwitirese
- U nona, mikhavha na mathaela khunduni

Mitshini yashu yo zwi latisa. Zwothe zwo onesa.

Vhathu-vhathu vho<br/>țhe ri navho fhano. Vha da nga tshifhinga tsha hone vha do wana <br/>  $\underline{\mathbf{u}}$  mupfufhi  $\underline{\mathbf{u}}$  si mphire.

Kha vha de zwino vha bate tshipentshela tshi tshe tsha u wanala.

Khasitama tharu dza u thoma

Ndele, Ndele fhethu ha ndele-ndele

Ri wanala mafhandeni a gondo li yaho Thukhutha na li yaho Yunivesithi.


Vhutumani asihu: 082 275 1111/ndele@gmail.com

| 3.1 | Hu na he mudzudzanyi wa khungedzelo iyi a shumisa lifanyamuthu i ndila ya u kunga vhataleli. Inwi hu topoleni.  | (1)         |
|-----|---|-------------|
| 3.2 | Ndi ngafhi he munwali a vhudzisa mbudziso i sa todi phindulo. Ni sumbedze na uri o vha a tshi itela mini.   | (2)         |
| 3.3 | Lifurase lo talelwaho mafhungoni aya li amba hezwi:   |             |
|     | <ul> <li>A Vhathu vha vho dala vhukuma</li> <li>B Muthu munwe na munwe a tshi todou bvelela kha zwine a khou ita.</li> <li>C Ho dala vhathu vha thanga dzothe</li> <li>D Ho dala vhathu vha mbeu dzothe.</li> </ul> | (1)         |
| 3.4 | Ndi zwifhio zwine munwali wa khungedzelo a khou funa ri tshi zwi dzhielesa ntha? Tikedzani phindulo yanu. (Phindulo yanu i ditike nga mafhungo a re kha mutumbu)  | (2)         |
| 3.5 | Ambani nga thekiniki ya fonto yo shumiswaho nga munwali. Phindulo yanu i ditike nga fonto thukhu na fonto khulwane.   | (2)         |
| 3.6 | Ndi ngafhi he munwali a shumisa luambo nga ndila ine muthu a kwameaho a nga nyanyuwa lu si lwavhudi? Tikedzani phindulo yanu.   | (2)<br>[10] |

#### **MBUDZISO 4**

Talelani khathuni i tevhelaho u ri ni do kona u fhindula mbudziso dzo disendekaho khayo.

#### TSHIBVELEDZWA TSHA 5: KHATHUNI



- 4.1 Vhathu vha re kha *'khathuni 1*' vha khou sumbedzana mini kha tshikirini tsha thelevishini? (1)
- 4.2 Vhudipfi ha vhathu vha re kha *'khathuni 2'* ndi vhufhio? Tikedzani phindulo yanu nga zwi re kha khathuni. (2)
- 4.3 Bulani mushumo wa liaravhi lo shumiswaho kha *khathuni 5*. (1)
- 4.4 Vhathu vhe vha vho lavhelela mbuelo kha Mitambo ya Tshiphuga tsha Lifhasi ndi:
  - A Vharengisi
  - B Vhashumi vha khishini
  - C Vha sa shumi
  - D A na C (1)

- 4.5 Shumisani ipfi 'dana' mafhungoni mavhili a pfalaho. (1)
- 4.6 Muhumbulo muhulwane une rakhathuni a khou tama u u fhirisa nga khathuni idzi ndi ufhio? (2)
- 4.7 Maipfi o ambiwaho nga mutholi kha *khathuni 6*, a mu tana sa muthude zwi tshi elana na zwa matshilisano?

#### (2) [**10**]

#### **MBUDZISO 5**

Vhalani mafhungo a tevhelaho uri ni do kona u fhindula mbudziso dzo disendekaho khao.

#### TSHIBVELEDZWA TSHA 6: PHUROSA

Vha hashu, khombo dza badani ndi tshinwe tsha zwithu zwi shushaho vhutshiloni. Vhunzhi ha dzikhombo dzenedzi ri wana dzi tshi andesa nga zwifhinga zwa dziholodei. Vhathu vhanzhi nga tshifhinga itshi vha vha vha tshi khou vhuya mahayani avho vhunga vha vhomuitashango. Nga maduvha a Paseka u wana vhuendi ho tou rarekana dzibadani. Vhareili vha zwiendedzi vha reila tshifhinga tshilapfu vha sa aweli vha tshi tavhanyedzela u swika hune vha ya. Kha vhareili vha dzithekhisi a ri tsha amba; vha lala vha songo lala vha tshi gidimela u tavhanya u hwala vhathu uri vha wane tshelede. Atsina u tavhanya hu kha di vha u lenga ngauri tshinwe tshifhinga u fhedza wo lozwa vhutshilo na ha vhathu vha si na mulandu. Mureili arali a tshi pfa o neta a tshi khou reila tshiendisi, kha pake modoro wawe a awele a thome a netuluwe a kone u bvela phanda na lwendo lwawe. Vhareili vho netaho vha vhanga khombo dzibadani. Ndi humbula mahola nga tshifhinga tshenetshi tsha Paseka musi ndi tshi wana thekhisi dzo thulana, vhathu vho sokou zwaa nnda! Inwe thekhisi yo vha yo wa nga lurumbu. Fhethu afho ho vha ho vuwa nzhowenzhowe ya vhathu vho huvhalaho. Kha vhathu vhenevho vho huvhalaho, vhunzhi havho vho vha vha tshee vhatuku. Ngoho ndo wana zwi tshi pfisa vhutungu. Madiraiva a thekhisi ha divhalekani. Arali wo namela thekhisi i tshi khou gidimesa ndi khwine u ita zwa khangala ruda mato, vuluvulu lo fa nga vhuhwavho. Ha, madiraiva haya a dzithekhisi a sa dzulela u pfumbudziwa tshifhinga tshothe ri do fhela rothe. Nga hu khwathiswe milayo ya mareilele dzibadani u itela u fhungudza khombo hedzi dzi shushaho nga u rali.

- 5.1 Ambani mushumo wa ipfi 'dzibadani' lo talelwaho kha mafhungo e na vhala.
- 5.2 Neani lifhambanyi la ipfi '*mahola*' li fhungoni li pfalaho (1)
- 5.3 Munwali u ambani musi a tshi ri vha lala vha songo lala. (2)

| 5.4 | Nwalani fhungo li tevhelaho li kha liambaitwa: <b>Vhareili vho netaho vha vhanga khombo dzibadani.</b>  | (1)         |
|-----|---|-------------|
| 5.5 | Kha ļifurase ļo talelwaho hu na mutshila—el- u re kha ipfi gidimela. Zwino ri khou ni nea mutevhe wa mishumo wa mutshila uyo. Nangani mushumo wa mutshila uyo u re wone-wone. |             |
|     | <ul> <li>A U sumbedza sia la nyito.</li> <li>B Nyito i bveledzwa hu si na vhulondo.</li> <li>C U thusa.</li> <li>D U bveledza nyito hu na ndivho.</li> </ul>                  | (1)         |
| 5.6 | Muṅwali u todou u bvisela khagala muhumbulo ufhio nga murero hoyu: 'Khangala ruḍa maṭo, vuluvulu lo fa nga vhuhwavho'   | (2)         |
| 5.7 | Sumbedzani fhethu he muńwali a vha na u sedza zwithu nga ito lithihi mafhungoni aya e na vhala. Ni tikedze phindulo yanu.   | (2)<br>[10] |
|     | THANGANYELO YA KHETHEKANYO YA C:<br>MARAGAGUTE  | 30<br>70    |